

ხელშეკრულება
გამარტივებული შესყიდვის შესახებ № 59

დ.მესტია

24.04.2017 წ.

ერთი მხრივ, მესტიის მუნიციპალიტეტი (ს/კ 235895046) (შემდგომ – შემსყიდველი), წარმოდგენილი გამგებლის კაპიტონ ჟორჟოლიანის სახით და, მეორეს მხრივ შპს „კოშკი“ (ს/კ 435892296) (შემდგომ – მიმწოდებელი), წარმოდგენილი მისი დირექტორის, გიორგი ჯაფარიძის სახით, ორივე ერთად წოდებული, როგორც „მხარეები“, „სახელმწიფო შესყიდვების შესახებ“ საქართველოს კანონის 10¹ მუხლის მე-3 პუნქტის „დ“ ქვეპუნქტის და საქართველოს მთავრობის 2014 წლის 5 სექტემბრის #1537 განკარგულების საფუძველზე ვაფორმებთ სახელმწიფო შესყიდვის შესახებ ხელშეკრულებას შემდეგზე:

1. ტერმინთა განმარტებები

- 1.1. სახელმწიფო შესყიდვის შესახებ ხელშეკრულება (შემდგომ – ხელშეკრულება) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, ყველა თანდართული დოკუმენტით.
- 1.2. ხელშეკრულების ღირებულება – საერთო თანხა, რომელზედაც ვაფორმებულია ხელშეკრულება.
- 1.3. შემსყიდველი – ორგანიზაცია, რომელიც ახორციელებს შესყიდვას.
- 1.4. მიმწოდებელი – პირი, რომელიც ახორციელებს სამუშაოების მოწოდებას ხელშეკრულების ფარგლებში.
- 1.5. დღე, კვირა, თვე – კალენდარული დღე, კვირა, თვე.
- 1.6. მომსახურება – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

- 2.1. მიმწოდებელი უზრუნველყოფს შემსყიდველისათვის ამ ხელშეკრულებით გათვალისწინებული პირობებისა და ხელშეკრულების დანართ(ებ)ის შესაბამისად დაბა მესტიაში უშბის ქუჩისა და მასში შემავალი ჩიხების სარეაბილიტაციო სამუშაოების მიწოდებას.

3. ხელშეკრულების ღირებულება

- 3.1. ხელშეკრულების ღირებულებაა 63 437 (სამოცდასამიათას ოთხას ოცდაჩვიდმეტი) ლარი დღგ-ს ჩათვლით.
- 3.2. ხელშეკრულების ღირებულება მოიცავს ხელშეკრულებით გათვალისწინებული სამუშაოების ღირებულებას, ასევე შესყიდვასთან დაკავშირებულ მიმწოდებლის ყველა ხარჯს და საქართველოს კანონმდებლობით განსაზღვრულ გადასახადებს.

4. ანგარიშსწორების ფორმა და ვადა

- 4.1. ანგარიშსწორება განხორციელდება ეტაპობრივად, ფაქტობრივად მიწოდებული სამუშაოების მოცულობების მიხედვით, რისთვისაც მიმწოდებელმა უნდა წარმოადგინოს შემდეგი დოკუმენტები: მიღება-ჩაბარების აქტი, ფორმა N2, საქართველოს კანონმდებლობით გათვალისწინებული შესაბამისი საგადასახადო დოკუმენტაცია, წინააღმდეგ შემთხვევაში, შემსყიდველს უფლება აქვს უარი თქვას ანგარიშსწორებაზე.
- 4.2. ანგარიშსწორება განხორციელდება ეტაპობრივად, ფაქტობრივად მიწოდებული სამუშაოების მოცულობების მიხედვით, მიმწოდებლის მიერ საანგარიშსწორებო დოკუმენტაციის (საგადასახადო ანგარიშ-ფაქტურა, ფორმა N2 და მიღება-ჩაბარების აქტი) გაფორმების შემდეგ, უნაღდო ანგარიშსწორებით, ლარში, მიმწოდებლის მიერ მითითებული რეკვიზიტების მიხედვით.
- 4.3. მიწოდებული სამუშაოების მოთხოვნებთან შესაბამისობის დადგენის მიზნით

მიმწოდებელმა შემსყიდველს, საანგარიშსწორებო დოკუმენტაციასთან ერთად, სამუშაოების ჩაბარების ბოლო ეტაპზე უნდა წარუდგინოს ექსპერტის დადებითი დასკვნა.

4.4. შესაძლებელია განხორციელდეს საავანსო ანგარიშსწორება სახელშეკრულებო ფასის არაუმეტეს 30%-ისა, რისთვისაც მიმწოდებელი ვალდებულია წარმოადგინოს გასაცემი ავანსის თანხის ოდენობის საბანკო გარანტია, საბანკო დაწესებულების მიერ გაცემული, რომელიც ძალაში უნდა იყოს გასაცემი ავანსის დაქვითვამდე.

4.5. გათვალისწინებული სამუშაოების თანხების ხარჯვა მოხდება აუცილებლობიდან გამომდინარე შემსყიდველთან შეთანხმებით.

4.6. ანგარიშსწორება ხდება შესაბამისი საანგარიშსწორებო დოკუმენტაციის გაფორმებიდან არა უგვიანეს 20 (ოცი) კალენდარული დღისა.

5. შესყიდვის ობიექტის მიწოდების ვადა და მიღება-ჩაბარების წესი

5.1. ხელშეკრულებით გათვალისწინებული სამუშაოები განხორციელოს ხელშეკრულების გაფორმებიდან 2017 წლის 30 ივლისამდე.

5.2. შესყიდვის ობიექტის მიწოდება უნდა განხორციელდეს შემდეგ მისამართზე: დ.მესტია უშბის ქუჩა.

5.3. შესყიდვის ობიექტის მიღება-ჩაბარებისთვის მიმწოდებელმა შემსყიდველს უნდა წარუდგინოს ფორმა N2, შესრულებული სამუშაოების კონკრეტული ეტაპის მიღება-ჩაბარების აქტი, საგადასახადო ანგარიშ-ფაქტურა და ექსპერტიზის დადებითი დასკვნა (ექსპერტიზის მომსახურების ღირებულების ანაზღაურებას უზრუნველყოფს მიმწოდებელი).

5.4. შესყიდვის ობიექტის ეტაპობრივად მიღებისას და/ან საბოლოო შემოწმების შედეგად გამოვლენილი დეფექტების ან ხარვეზების აღმოფხვრას საკუთარი ხარჯებით უზრუნველყოფს მიმწოდებელი შეტყობინებიდან 10 (ათი) დღის ვადაში.

5.5. ხელშეკრულებით გათვალისწინებული მიღება-ჩაბარების აქტების გაფორმებას უზრუნველყოფს შემსყიდველი ორგანიზაციის მიერ შექმნილი კომისია.

6. გარანტია

6.1. მიწოდებულ სამუშაოზე უნდა გავრცელდეს არანაკლებ 2 (ორი) წლიანი საგარანტიო ვადა, საგარანტიო პერიოდში მიმწოდებელმა საკუთარი ხარჯებით უნდა უზრუნველყოს გამოვლენილი ნაკლის აღმოფხვრა, შეტყობინებიდან არა უგვიანეს 10 (ათი) დღისა.

6.2. თუ მიმწოდებელი საგარანტიო ვადის განმავლობაში საკუთარი ხარჯებით ვერ უზრუნველყოფს ექსპლუატაციის პროცესში წარმოქმნილი ხარვეზების აღმოფხვრას, შემსყიდველი უფლებამოსილია წერილობითი გაფრთხილებიდან 10 (ათი) დღის გასვლის შემდეგ მიმართოს სასამართლოს მიყენებული ზიანის ასანაზღაურებლად.

7. თანმდევი მომსახურება

7.1. მიმწოდებელმა სამუშაოების დასრულების შემდეგ, არაუგვიანეს 15 (თხუთმეტი) კალენდარული დღისა, საკუთარი ძალებითა და სახსრებით უნდა გაათავისუფლოს სამუშაო ადგილი სამშენებლო მოწყობილობა-დანადგარებისაგან, ასევე სამშენებლო ნარჩენებისაგან.

8. მხარეთა უფლება-მოვალეობანი

8.1. შემსყიდველი უფლებამოსილია:

- ა) ნებისმიერ დროს განახორციელოს მიმწოდებლის მიერ ხელშეკრულებით ნაკისრი ვალდებულებების შესრულების ინსპექტირება;
- ბ) მოითხოვოს შესაბამისი სერტიფიკატი მშენებლობის პროცესში გამოყენებულ მასალებზე;
- გ) ცალმხრივად მიიღოს გადაწყვეტილება ხელშეკრულების შეწყვეტის შესახებ, თუ მიმწოდებელი სისტემატურად არღვევს ხელშეკრულებით ნაკისრი ვალდებულებების შესრულებას.

8.2. შემსყიდველი ვალდებულია:

- ა) აანაზღაუროს მიმწოდებლის მიერ მიწოდებული სამუშაოების ღირებულება ხელშეკრულებით გათვალისწინებული ვადის და ხელშეკრულების პირობების დაცვით;

- ბ) უზრუნველყოს ხელშეკრულების პირობების შესრულების კონტროლი;
- გ) განახორციელოს ამ ხელშეკრულებით მასზე დაკისრებული სხვა ვალდებულებები.

8.3. მიმწოდებელი უფლებამოსილია:

ა) მოსთხოვოს შემსყიდველს მიწოდებული სამუშაოების ღირებულების ანაზღაურება ხელშეკრულებით გათვალისწინებული ვადის და ხელშეკრულების პირობების დაცვით.

8.4. მიმწოდებელი ვალდებულია:

- ა) შემსყიდველს მიაწოდოს სათანადო ხარისხის სამუშაოები სრული მოცულობით;
- ბ) სამუშაოების მიწოდების პროცესში გამოიყენოს უმაღლესი ხარისხის მასალა, რომელიც უნდა შეესაბამებოდეს ამ სფეროში აღიარებულ სტანდარტებს.
- გ) შემსყიდველის მოთხოვნის შემთხვევაში მიაწოდოს შემსყიდველს შესაბამისი სერტიფიკატი მშენებლობის პროცესში გამოყენებულ მასალებზე;
- დ) წინასწარ შეათანხმოს შემსყიდველთან სამუშაოების მიწოდების პროცესში გამოყენებული მასალებისა და მოწყობილობების ტიპი და ვიზუალურ-ტექნიკური მახასიათებლები (ხარისხი, ფაქტურა, ფერი და სხვა). იმ შემთხვევაში, თუ მიმწოდებლის მიერ წარმოდგენილი მასალა ან მოწყობილობა ან მიწოდებული სამუშაო არ შეესაბამება აღიარებულ სტანდარტებს და შემსყიდველის მოთხოვნებს, მიმწოდებელი ვალდებულია თავისი ხარჯებით გამოასწოროს, წარმოადგინოს სხვა, შემსყიდველისთვის მისაღები მასალა, მოწყობილობა ან/და სხვაგვარად შეასრულოს სამუშაო, რაც შესაბამისობაში უნდა იყოს ხელშეკრულების პირობებთან;
- ე) შეათანხმოს შემსყიდველთან სამუშაოების განხორციელების გეგმა-გრაფიკი, შემსყიდველის მიერ განსაზღვრული პრიორიტეტების გათვალისწინებით;
- ვ) სამუშაოები შეასრულოს მოქმედი სამშენებლო ნორმების, წესების და სტანდარტების მიხედვით;
- ზ) აუცილებლობის შემთხვევაში, დაზიანებების თავიდან აცილების მიზნით, უნდა უზრუნველყოს სარემონტო ტერიტორიაზე არსებული ინვენტარის გადაადგილება ან/და შეფუთვა, ხოლო რემონტის დასრულების შემდგომ საწყის მდებარეობის ადგილზე დაბრუნება. მიმწოდებელი სრულად აგებს პასუხს მათი დაზიანების შემთხვევაში;
- თ) დაიცვას კომუნიკაციები ნებისმიერი სახის ზემოქმედებისგან სამშენებლო სამუშაოების შესრულების პერიოდში და სრულად აგებს პასუხს მათი დაზიანების შემთხვევაში;
- ი) უზრუნველყოს სამუშაო მოედნის სანიტარული პირობების დაცვა, ასევე მინიმუმამდე დაიყვანოს სამუშაოების განხორციელებით გამოწვეული ხმაურის, ვიბრაციისა და მტვერის გარემოზე გავლენა;
- კ) ჯეროვნად შეასრულოს ხელშეკრულების პირობები ხელშეკრულებით გათვალისწინებულ ვადაში;
- ლ) სამუშაოები განახორციელოს სამშენებლო ნორმების, წესების, სტანდარტების და მის მიერ წარმოდგენილი ტექნიკური პირობების შესაბამისად;
- მ) განიხილოს შემსყიდველის დასაბუთებული პრეტენზიები და მიაწოდოს მოტივირებული პასუხი ყველა საკითხზე;
- ნ) განახორციელოს ამ ხელშეკრულებით მასზე დაკისრებული სხვა ვალდებულებები.

9. ხელშეკრულებით ნაკისრი ვალდებულებების შესრულების ინსპექტირება

- 9.1. ხელშეკრულებით გათვალისწინებული პირობების შესრულების კონტროლს უზრუნველყოფს შემსყიდველი ორგანიზაციის მიერ შექმნილი ტექნიკური საზედამხედველო ჯგუფი.
- 9.2. ტექნიკური საზედამხედველო ჯგუფი უფლებამოსილია შესყიდვის ობიექტის მიწოდების პარალელურად მოახდინოს შემოწმება მიმწოდებლის მიერ წარმოდგენილ და შემსყიდველთან შეთანხმებული გეგმა-გრაფიკისა და მიმწოდებლის მიერ წარმოდგენილი ხარჯთაღრიცხვის შესაბამისად.
- 9.3. შემსყიდველი წერილობით აცნობებს მიმწოდებელს შემოწმების შედეგად გამოვლენილი ნებისმიერი ნაკლის ან დეფექტის შესახებ წუნდების მიზეზების მითითებით.
- 9.4. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, დეფექტის ან ნაკლის გამოვლენის შესახებ შემსყიდველის წერილობითი შეტყობინებიდან 5 (ხუთი) დღის ვადაში, საქართველოს კანონმდებლობით დადგენილი წესით.
- 9.5. ტექნიკური საზედამხედველო ჯგუფი უფლებამოსილია შესყიდვის ობიექტის მიწოდების

ნებისმიერ მომენტში შეამოწმოს მასალებისა და სამუშაოების შესრულების ხარისხი. იმ შემთხვევაში, თუ ხარისხი არ აღმოჩნდება ხელშეკრულების პირობების შესაბამისი, შემსყიდველი ტექნიკური საზედამხედველო ჯგუფის წერილობითი შეტყობინების საფუძველზე უფლებამოსილია შეაჩეროს შესყიდვის ობიექტის მიწოდების პროცესი და აკრძალოს შეუსაბამო მასალების გამოყენება.

9.6. შესყიდვის ობიექტის მიწოდების პროცესის, 8.6. პუნქტის შესაბამისად, შეჩერების შემთხვევაში, მიმწოდებელმა შეტყობინებიდან 5 (ხუთი) დღის ვადაში, საკუთარი ხარჯებით უნდა უზრუნველყოს გამოვლენილი ხარვეზების აღმოფხვრა. ამასთან, შეთანხმების მიუხედავად მიმწოდებელი არ თავისუფლდება პირგასამტეხლოს გადახდისაგან.
ნია მათი შესაბამისობის დადგენა ხელშეკრულებით გათვალისწინებულ პირობებთან.

10. ხელშეკრულებაში ცვლილებისა და დამატების შეტანა და ხელშეკრულების შეწყვეტა

10.1. ხელშეკრულების პირობების, მათ შორის, ფასის, შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობები გადაისინჯება საქართველოს კანონმდებლობით დადგენილი წესით.

10.2. ხელშეკრულებაში ცვლილების ან/და დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა, რაც ხელშეკრულებას.

10.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რაც უნდა აცნობოს მხარეს არაუგვიანეს 5 (ხუთი) კალენდარული დღისა, წერილობით ან კომუნიკაციის ელექტრონული საშუალებების გამოყენებით.

10.4. ხელშეკრულება ან მისი რომელიმე დებულება ასევე შეიძლება შეწყდეს მხარეთა ინიციატივით, წერილობითი შეთანხმების საფუძველზე.

10.5. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით გათვალისწინებული ვალდებულებების შესრულებისაგან.

11. დაუძლეველი ძალა (ფორსმაჟორი)

11.1. მხარეები თავისუფლდებიან ხელშეკრულებით ნაკისრი ვალდებულებების შეუსრულებლობით გამოწვეული პასუხისმგებლობისაგან, თუ მათი შეუსრულებლობა გამოწვეულია დაუძლეველი ძალით (ფორსმაჟორი). მისი არსებობის შემთხვევაში მხარე ვალდებულია წერილობით ან კომუნიკაციის ელექტრონული საშუალებების გამოყენებით აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

11.2. თუ ერთ-ერთი მხარე დაუძლეველი ძალის გამო ვერ ასრულებს ხელშეკრულებით ნაკისრ ვალდებულებებს, იგი ვალდებულია დაუყოვნებლივ, მაგრამ არა უგვიანეს მომდევნო კალენდარული დღისა, წერილობით ან კომუნიკაციის ელექტრონული საშუალებების გამოყენებით, აცნობოს მეორე მხარეს მისი დადგომის ან/და დასრულების შესახებ. წინააღმდეგ შემთხვევაში შესაბამისი მხარე არ განთავისუფლდება ნაკისრი ვალდებულებების შესრულებისაგან.

11.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

12. ხელშეკრულების შესრულების გარანტია

12.1. წინამდებარე ხელშეკრულების გაფორმებამდე მიმწოდებელმა უნდა წარმოადგინოს ხელშეკრულების შესრულების საბანკო გარანტია, გაცემული საბანკო დაწესებულებიდან, ხელშეკრულების ჯამური ღირებულების 2%-ის ოდენობით.

12.2. მიმწოდებლის მიერ წარმოდგენილი ხელშეკრულების შესრულების საბანკო გარანტია 30 დღით უნდა აღემატებოდეს ხელშეკრულების დასრულების ვადას.

12.3. მიმწოდებლის მიერ ხელშეკრულებით გათვალისწინებული ვალდებულებების დარღვევის

(ხელშეკრულებით გათვალისწინებული ვალდებულებების შესრულებაზე უარის თქმა, ხელშეკრულებით გათვალისწინებული ვადების დარღვევა, ვალდებულების უხარისხოდ, არაჯეროვნად, არასრულად შესრულება და სხვა) შემთხვევაში, შემსყიდველი უფლებამოსილია ხელშეკრულების შესრულების საბანკო გარანტიის მოქმედების პერიოდში მიმართოს ბანკს და მოითხოვოს ხელშეკრულების შესრულების საბანკო გარანტიით გათვალისწინებული თანხა.

12.4. მიმწოდებლის მიერ ხელშეკრულებით ნაკისრი ვალდებულებების სრულად შესრულების შემდეგ, შემსყიდველი მიღება-ჩაბარების (შესრულების) აქტის გაფორმებიდან 1 (ერთი) თვის ვადაში, მიმწოდებლის წერილობითი მოთხოვნის საფუძველზე უზრუნველყოფს ხელშეკრულების შესრულების საბანკო გარანტიის დაბრუნებას.

13. მხარეთა პასუხისმგებლობა

13.1. მხარეები სრულად ანაზღაურებენ ბრალეული ქმედებით (მოქმედებით ან უმოქმედობით) მეორე მხარისათვის მიყენებულ ზიანს.

13.1. ხელშეკრულების პირობების დარღვევის შემთხვევაში მხარეები პასუხს აგებენ ნაკისრი ვალდებულებების შეუსრულებლობისათვის ან/და არაჯეროვნად შესრულებისათვის, კონკრეტულ შემთხვევაში მიყენებული ზიანის ოდენობით, ურთიერთშეთანხმებით ან საქართველოს კანონმდებლობით დადგენილი წესის შესაბამისად.

14. ხელშეკრულების პირობების შეუსრულებლობა

14.1. მხარეები იღებენ ვალდებულებას, დაიცვან ხელშეკრულების პირობები.

14.2. ამ ხელშეკრულების 5.1., 6.1., 7.1., და 8.4 პუნქტებით გათვალისწინებული ვადების გადაცილების შემთხვევაში მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0,5%-ის ოდენობით.

14.3. მიმწოდებლის მიერ ხელშეკრულებით გათვალისწინებული ვალდებულებების სრულად შესრულებაზე უარის თქმის შემთხვევაში, მიმწოდებელს ეკისრება პირგასამტეხლოს გადახდა ხელშეკრულების ღირებულების 10%-ის ოდენობით.

14.5. თუ ვადის გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს, შემსყიდველს უფლება აქვს, შეწყვიტოს ხელშეკრულება.

14.6. პირგასამტეხლოს გადახდა არ ათავისუფლებს მხარეს ხელშეკრულებით ნაკისრი ვალდებულებების შესრულებისაგან.

15. დავები და მათი გადაწყვეტის წესი

15.1. ხელშეკრულების მოქმედების პერიოდში წარმოშობილი ყველა დავა გადაწყდება ურთიერთშეთანხმების გზით. შეთანხმების მიუღწევლობის შემთხვევაში მხარეები უფლებამოსილნი არიან, დავის გადასაწყვეტად მიმართონ სასამართლოს საქართველოს კანონმდებლობით დადგენილი წესის შესაბამისად.

16. სხვა დებულებანი

16.1. ხელშეკრულება ძალაშია მხარეთა ხელმოწერის დღიდან.

16.2. ხელშეკრულება შედგენილია 4 (ოთხი) თანაბარი იურიდიული ძალის მქონე ეგზემპლარად, რომლის ერთი ეგზემპლარი გადაეცემა მიმწოდებელს, ხოლო 3 შემსყიდველს.

17. ხელშეკრულების მოქმედების ვადა:

17.1. ხელშეკრულების ხელის მოწერის დღიდან 2017 წლის 10 სექტემბრამდე.

18. მხარეთა რეკვიზიტები:

შემსყიდველი:

შეშხიდელო

სახელწოდება: მესტიის მუნიციპალიტეტი

მისამართი: დ. მესტია სეტის მოედანი #1

სახაზინო კოდი: 30004100000



/კაპიტონ ჟორჟოლიანი/

მომწოდებელი:

სახელწოდება: შპს „კოშკი“

მისამართი: დ. მესტიასენაკის ქ #2

საბანკო რეკვიზიტები:

სს „ლიბერთი ბანკი“

ა\N GE20LB0113123420247000

ს/კ 435892296

დირექტორი

/გიორგი ჯაფარიძე/

